

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO**

Stručna služba za zajedničke poslove

Broj: 17-14-4329-12

Sarajevo; 09-03-2017 godine

Na osnovu člana 64. stav (1) tačka a) i člana 70. stav (1) (3) i (6) Zakona o javnim nabavkama („Službeni glasnik BiH“ broj: 39/14), u skladu sa članom 3. Uredbe o osnivanju Stručne službe za zajedničke poslove Kantona Sarajevo („Sl. novine Kantona Sarajevo“ br. 5/06 – Prečišćeni tekst) na preporuku Komisije za ustupanje usluga u postupku javne nabavke za Ustupanje usluga štampanja i isporuke obrazaca i drugog pisanog materijala za potrebe Kantona Sarajevo u 2017. godini (Zapisnik o pregledu i ocjeni ponuda broj: 17-14-4329-11 od 06.03.2017. godine), načelnik Stručne službe za zajedničke poslove Kantona Sarajevo, d o n o s i:

**ODLUKU
o izboru najpovoljnijeg ponuđača**

Član 1.

Prihvata se Preporuka Komisije za ustupanje usluga u postupku javne nabavke za Ustupanje usluga štampanja i isporuke obrazaca i drugog pisanog materijala za potrebe Kantona Sarajevo u 2017. godini i dodjeljuje se prvorangiranom ponuđaču „**DEFTER - KOMERC**“ d.o.o. Sarajevo, prema dostavljenoj ponudi broj: 13-02/2017 od 22.02.2017. godine u ukupnoj vrijednosti od **21.418,137 KM** (sa PDV-om).

Član 2.

Prijedlog ugovora dostavit će se na potpis izabranom ponuđaču po isteku roka od 10 (deset) dana, računajući od dana kada su svi ponuđači obaviješteni o izboru najpovoljnije ponude. Izabrani ponuđač nije dužan dostaviti dokaze o kvalificiranosti, odnosno originalne ili ovjerene kopije u vezi člana 45. stav (1) tačkama od a) do d) i u vezi člana 47. stav (1) tačka c) (bilans stanja i bilans uspjeha za 2015. godinu), jer je u svojoj ponudi dostavio ovjerene kopije svih navedenih dokaza.

Član 3.

Ova odluka objavit će se na web stranici ugovornog organa, [www:http: sszp.ks.gov.ba](http://www.sszp.ks.gov.ba). istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 17-14-4329 od 09.02.2017. godine – Ustupanje usluga štampanja i isporuke obrazaca i drugog pisanog materijala za potrebe Kantona Sarajevo u 2017. godini. Javna nabavka je provedena putem postupka: Konkurentski zahtjev za dostavu ponuda. Procijenjena vrijednost javne nabavke bez PDV-a iznosi 40.000,00 KM. Za predmetnu nabavku objavljeno je obavještenje o nabavci na portalu javnih nabavki pod brojem 1230-7-2-13-3-17/17 dana 14.02.2017. godine u 15:59 h.

U skladu sa Pravilnikom o nabavci roba, vršenju usluga i ustupanju radova, odnosno provođenju postupka konkurentskog zahtjeva sa dodatnom objavom obavještenja na portalu javnih nabavki, Komisija je dostavila pozive sljedećim ponuđačima : 1. "DEFTER - KOMERC" d.o.o. Sarajevo; 2. "R & S" d.o.o. Sarajevo; 3. "SVJETLOT - SARS" d.d. Sarajevo. Rok za dostavu ponuda bio je 24.02.2017. godine do 10,00 h. Za navedenu javnu nabavku u predviđenom roku i uredno zatvorenim kovertama, dostavljene su ponude od sljedećih ponuđača:

R.br	PONUĐAČ
1.	“DEFTER - KOMERC” d.o.o. Sarajevo, ul. Azize Šaćirbegović bb 71 000 Sarajevo
2.	“SVJETLOST-BH PRINT” d.o.o. Sarajevo, ul. Ismeta Alajabegović Šerbe br. 3 71 000 Sarajevo
3.	“PRIMAPROM” EXPORT-IMPORT d.o.o. Banja Luka, ul. Vidovdanska bb 78 000 Banja Luka
4.	“A DIZAJN” d.o.o. Sarajevo, ul. Put Famosa br. 38 – Hrasnica 71 210 Ilidža

U skladu sa Odlukom o pokretanju postupka, Komisija za ustupanje usluga formirana Odlukom broj: 17-05-30813 od 19.10.2016. godine provela je proceduru nabavke, obavila javno otvaranje ponuda, sačinila i dostavila Zapisnik o pregledu i ocjeni ponuda koje su blagovremeno, do utvrđenog dana i sata, dostavljene od strane ponuđača na adresu Ugovornog organa, a kako je traženo u Konkurentskom zahtjevu. Zapisnik o pregledu i ocjeni ponuda broj: 17-14-4329-11 od 06.03.2017. godine čini sastavni dio ove odluke i u istom je utvrđeno slijedeće:

- da je ukupan broj pristiglih ponuda četiri (4)
- da je blagovremeno zaprimljeno ukupno četiri (4) ponude
- da nema neblagovremeno zaprimljenih ponuda
- da su ponude ponuđača “DEFTER-KOMERC” d.o.o. Sarajevo, “SVJETLOST-BH PRINT” d.o.o. Sarajevo i “PRIMAPROM” EXPORT-IMPORT d.o.o. Banja Luka, formalno-pravno ispravne, odnosno ispunjavaju formalno-pravne uslove za učešće u kvalifikacijama i tehničke karakteristike i druge uslove propisane od strane ugovornog organa;
- da je ponuda ponuđača "A DIZAJN" d.o.o. Sarajevo, formalno-pravno neispravna i ne ispunjava uslove tehničke i profesionalne sposobnosti. Naime, ponuđač "A DIZAJN" d.o.o. Sarajevo u svojoj ponudi nije dostavio obične kopije bilansa stanja i bilansa uspjeha za 2015. godinu, koje čine prilog Izjavi po članu 47. ZJN, koje se zahtijevane tenderskom dokumentacijom; nije parafirao prijedlog okvirnog sporazuma/ugovora, što je zahtijevano tenderskom dokumentacijom i Uputstvom za pripremu modela tenderske dokumentacije i ponuda („Službeni glasnik BiH“, broj 90/14 i broj 20/15); nije dostavio validan dokaz za ispunjenje uslova tehničke i profesionalne sposobnosti član 48. - 51. Zakona, odnosno dostavio je referentnu listu izvršenih ugovora bez navođenja za koje je godine, (a trebalo je navesti za 2014., 2015. i 2016. godinu), i nisu dostavljene potvrde o uredno izvršenim ugovorima za naveden godione (za svaku godinu po jedan ugovor i potvrda) i nije naveo eventualne objektivne razloga ne dostavljanja potvrda. Ponuđač "A DIZAJN" d.o.o. iz Sarajeva se iz navedenih raloga isključuje iz daljeg postupka evaluacije ponuda u predmetnom postupku javne nabavke.

Uzimajući u obzir da je komisija u cijelosti pravilno postupila i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskoj dokumentaciji, u cijelosti se prihvata Zapisnik o pregledu i ocjeni ponuda.

Tabelarni pregled prispjelih ponuda – rang lista prihvatljivih ponuđača za postupak javne nabavke Ustupanje usluga štampanja i isporuke obrazaca i drugog pisanog materijala za potrebe Kantona Sarajevo u 2017. godini. kako slijedi:

1. “DEFTER - KOMERC” d.o.o. Sarajevo	100,00 bodova
2. “SVJETLOST – BH PRINT” d.o.o. Sarajevo	57,96 bodova
3. “PRIMAPROM” EXPORT-IMPORT d.o.o. Banja Luka	51,84 bodova

U skladu sa kriterijem “ekonomski najpovoljnija ponuda” sa potkriterijima: cijena 80%, način plaćanja 10% i rok realizacije 10%, **ugovor se dodjeljuje prvorangiranom ponuđaču „DEFTER - KOMERC” d.o.o. iz Sarajeva, u ukupnoj vrijednosti nabavke od 18.306,10 KM (bez PDV-a) i 21.418,137 KM (sa PDV-om),** način plaćanja 60 dana i rok realizacije 1 dan. Za predmetnu nabavku će se zaključiti okvirni sporazum/ugovor.

Pouka o pravnom lijeku: Svaki ponuđač koji ima legitimni interes u predmetnom postupku javne nabavke, a koji smatra da je ugovorni organ u toku postupka prekršio jednu ili više odredaba Zakona o javnim nabavkama ima pravo priložiti žalbu u pisanoj formi u roku od **5 (pet) dana** od dana prijema ove odluke u skladu sa članom 99. i 101. Zakona o javnim nabavkama ("Službeni glasnik Bosne i Hercegovine", broj 39/14). Žalba se podnosi Ugovornom organu (Stručnoj službi za zajedničke poslove Kantona Sarajevo) neposredno ili preporučeno putem pošte na adresu: Reisa Džemaludina Čauševića br. 1, kao prostepenom organu u žalbenom postupku. Ponuđač, u slučaju da ulaže pismenu žalbu, dužan je za pokretanje žalbenog postupka platiti naknadu u iznosu 500,00 KM, u skladu sa članom 108. stav 1. tačka a) Zakona o javnim nabavkama.

Naknada se uplaćuje u korist budžeta institucija BiH i međunarodnih obaveza BiH i ona je nepovratna u slučaju neosnovane žalbe.

Pripremila: Samira Duraković, dipl.iur.
Kontrolisao: Sedin Kozadra, dipl.ecc.



Prilog:

1. - Zapisnik o pregledu i ocjeni ponuda broj: 17-14-4329-11 od 06.03.2017.godine

Dostaviti:

1. Svim učesnicima u postupku
2. a/a.